

НА «ГОСПОДИ ВОЗЗВАХ»

Стихиры Триоди 4, повторяющие сия, глас 1:

7. Стих: От стражи утренняя до ночи, от стражи утренняя, // да уповаёт Израиль на Господа.

8. Стих: Яко у Господа милость, и многое у Него избавление, // и Той избавит Израиля от всех беззаконий его.

В безгрешную страну и животную вверихся, / посеяв грех, серпом пожав класы лениности, / и рукоятнем связав деяний моих снопы, / яже и постлах не на гумне покаяния: / но молю Тя превечнаго делателя нашего Бога, / ветром Твоего любоблагоутробия развей плеву дел моих, / и пшеницу даждь души моей оставление, // в небесную Твою затворяя мя житницу, и спаси мя. **Дважды.**

9. Стих: Хвалите Господа вси языцы, // похвалите Его вси людие.

10. Стих: Яко утвердися милость Его на нас, // и истина Господня пребывает во век.

Познаим братие, таинства силу, / от греха бо ко отеческому дому востекшаго блуднаго сына / преблагий отец предустрет лобзает, / и паки своея славы познание дарует: / и таинственное вышним совершает веселие, / закалая тельца упитаннаго, / да мы достойно сожительствоуем, / заклавшему же человеколюбному Отцу и славному зачению, // Спасу душ наших. **Дважды.**

СЛАВА, ГЛАС 2:

О коликих благ окаянный себе лиших! / О какова Царствия отпадох страстный аз! / Богатство изнурих, еже приях заповедь преступих. / Увы мне, страстная душе! / Огню вечному прочее осудишися. / Темже прежде конца возопий Христу Богу // яко блуднаго прими мя сына, Боже, и помилуй мя.

И ныне: Догматик гласа:

Вход. Свете тихий: Прокимен: Господь воцарися:

НА ЛИТИИ

стихи́ра храма, затем:

«Слава» - глас 4:

Яко блу́дный сын приидо́х и аз Ще́дре,/ жити́е все ижди́вый
во отше́ствии./ Расточи́х бога́тство, е́же дал еси́ мне Отче://
приими́ мя ка́ющася Бо́же, и поми́луй мя.

«И ныне» - Богородичен, глас 4:

При́зри на молéния Твои́х раб, Всенепоро́чная,/ утоля́ющи
лю́тая на ны воста́ния,/ вся́кия ско́рби нас изменя́ющи./ Тя
бо, Еди́ну, твёрдое и изве́стное Утвержде́ние ймамы,/ и
Твое́ предста́тельство стяжа́хом./ Да не постыди́мся, Вла-
ды́чице, Тя призыва́ющи,/ потщи́ся на умоле́ние, Тебе́
ве́рно вопи́ющих:/ ра́дуйся, Влады́чице, всех По́моще,//
Ра́досте и Покро́ве, и Спасéние душ на́ших.

НА СТИХОВНЕ

Осмогласника, по алфавиту.

«СЛАВА», ГЛАС 6:

Отческаго дара расточив бога́тство,/ с безсловесными
скоты пасохся ока́нный,/ и тех желая пи́щи,/ гладом
таях не насыща́ясь,/ но возвратився к благоутро́бному От-
цу́,/ взываю со слеза́ми:/ приими́ мя яко наёмника/ припа-
дающа человеколю́бию Твоему́,// и спаси́ мя.